



ADDENDA PARA A MODIFICACIÓN DO CONVENIO MARCO DE COLABORACIÓN ENTRE A ADMINISTRACIÓN XERAL DA COMUNIDADE AUTÓNOMA DE GALICIA, A TRAVÉS DA CONSELLERÍA DE MEDIO AMBIENTE E ORDENACIÓN DO TERRITORIO E A FEDERACIÓN GALEGA DE MUNICIPIOS E PROVINCIAS EN MATERIA DE XESTIÓN DE RESIDUOS DE APARELLOS ELÉCTRICOS E ELECTRÓNICOS.

Santiago de Compostela, 6 de setembro de 2016

REUNIDOS

Dunha parte, **DONA BEATRIZ MATO OTERO**, conselleira de Medio Ambiente e Ordenación do Territorio da Xunta de Galicia, en virtude das facultades atribuídas polo artigo 34 da Lei 1/1983 do 22 de febreiro de normas reguladoras da Xunta e da súa presidencia e do Acordo do Consello da Xunta de 27 de marzo de 1991 (DOG de 30 de abril), nomeada para dito cargo polo Decreto 122/2015, do 4 de outubro, e en relación co establecido no Decreto 129/2015, do 8 de outubro, polo que se fixa a estrutura orgánica das Consellerías da Xunta de Galicia.



Doutra parte, **ALFREDO LAUDELINO GARCÍA RODRÍGUEZ**, presidente da Federación Galega de Municipios e Provincias (en diante, FEGAMP), no uso das facultades que lle son atribuídas polo artigo 46, punto primeiro letra b) dos vixentes estatutos da FEGAMP (aprobados pola asemblea xeral ordinaria do 4 de decembro de 2003) e en virtude do seu nomeamento pola asemblea xeral do 30 de outubro de 2015.

Todas as partes comparecen en nome e representación das súas respectivas institucións, recoñecendo de modo recíproco capacidade xurídica, lexitimidade, suficiencia e vixencia das súas respectivas facultades para subscribir o presente convenio e na súa virtude,



EXPOÑEN

Primeiro.- Que ambas partes recoñecen o convenio Marco de Colaboración asinado o 30 de marzo de 2016 entre a Administración Xeral da Comunidade Autónoma de Galicia, a través da Consellería de Medio Ambiente e Ordenación do Territorio e a Federación Galega de Municipios e Provincias en materia de xestión de residuos de aparellos eléctricos e electrónicos.

Segundo.- Que de conformidade co disposto na cláusula I letra a) do Convenio, este ten por obxecto dotar aos puntos limpos de titularidade municipal e supra - municipal de Galicia do equipamento para a recollida e clasificación de Residuos de Aparellos Eléctricos e Electrónicos (RAEE) que se indica a continuación:

- Medios para a pesada dos RAEE recollidos.
- Marquesiñas para o almacenamento dos RAEE.
- Barreiras de estanquidade e beirís perimetrais.
- Carteis distintivos correspondentes ás distintas fraccións de RAEE

Terceiro. Que de conformidade co disposto na cláusula I, letra b) do Convenio, o orzamento estimado do investimento ascende á cifra de 536.979,85 €, IVE incluído, coa seguinte distribución por anualidades:

EXERCICIO	ORZAMENTO	IVE	TOTAL	FINANCIAMENTO
2016	252.066,00 €	52.933,86 €	304.999,86 €	80% FEDER 20014-2020
2017	191.719,00 €	40.260,99 €	231.979,99 €	
TOTAL	443.785,00 €	93.194,85 €	536.979,85 €	

Cuarto.- Que a cláusula VI punto 1 do convenio prevé que poderán solicitar a adhesión ao Convenio as entidades locais que dispoñan dun punto limpo de titularidade municipal construído ao amparo do Decreto 4/2005, do 13 de xaneiro, sempre que, antes do 31 de decembro de 2016, estean en disposición de reunir as características que se relacionan no citado punto 1.



Quinto.- Que a cláusula VI punto 2 do convenio establece que as entidades locais interesadas en adherirse ao convenio deberán comunicalo, no prazo dun mes, dende a sinatura do presente convenio.

Sexto.- Que tendo en conta o obxecto do convenio, adaptar os puntos limpos de titularidade das entidades locais aos obxectivos previstos no Real Decreto 110/2015, do 20 de febreiro de residuos de aparellos eléctricos e electrónicos, é necesario proceder a modificar o convenio actual coas seguintes finalidades:

- Ampliar o obxecto do convenio, de xeito que atendendo ás particularidades dos puntos limpos, se subministre o equipamento, que destinado á recollida e clasificación de Residuos de Aparellos Eléctricos e Electrónicos (RAEE), mellor se adapte ás necesidades do punto limpo de que se trate.
- Ampliar a dotación orzamentaria e reaxustar a anualidade de 2016.

Abrir o ámbito subxectivo do convenio a todas as entidades locais titulares de puntos limpos construídos pola Xunta de Galicia.

- Abrir un novo prazo para a presentación de solicitudes,

Polo exposto, ambas partes acordan subscribir a presente addenda para a modificación do convenio marco de colaboración entre a Administración Xeral da Comunidade Autónoma de Galicia, a través da Consellería de Medio Ambiente e Ordenación do Territorio e a Federación Galega de Municipios e Provincias en materia de xestión de residuos de aparellos eléctricos e electrónicos, para contribuír así á mellor adecuación dos puntos limpos aos requisitos establecidos no Real Decreto 110/2015.





ACORDOS

Primeiro.- Modificar o expositivo sétimo, que queda redactado do seguinte xeito:

Sétimo.- Que o cumprimento da citada disposición transitoria segunda do Real Decreto 110/2015, esixe que sexan acometidas actuacións de adaptación naqueles puntos limpos construídos pola Xunta de Galicia.

Segundo.- Modificar a cláusula I do Convenio, que queda redactada do seguinte xeito:



OBXECTO E ORZAMENTO DA ACTUACIÓN

a) Obxecto.

Este convenio ten por obxecto dotar aos puntos limpos de titularidade municipal e supra - municipal de Galicia do equipamento que, para a recollida e clasificación de RAEE, sexa necesario para contribuír a adaptar os puntos limpos aos requisitos do Real Decreto 110/2015.

b) Orzamento estimado

O Orzamento estimado do investimento ascende á cifra de 1.748.268,50 euros, IVE incluído. Aos efectos orzamentarios, as anualidades do investimento previsto son:

Anualidade	Orzamento	IVE	Total	Financiamento
2016	65.000,00	13.650,00	78.650,00	80% FEDER 2014-2020
2017	1.379.850,00	289.768,50	1.669.618,50	
Total			1.748.268,50	

As anteriores previsións da programación económica poderán ser revisadas pola Consellería de Medio Ambiente e Ordenación do Territorio durante o



desenvolvemento da actuación, dando coñecemento dos cambios, no seu caso, á Comisión de Seguimento prevista na Cláusula VII.

Os compromisos de carácter económico determinaranse sobre a base do custo real da actuación de conformidade coa Cláusula V deste Convenio. O importe total do investimento dependerá dos custos reais incorridos pola Consellería.

Terceiro.- Modificar o punto 1 da cláusula III do convenio, que queda redactado do seguinte xeito:

- 1. Para a execución dos compromisos asumidos pola Comunidade Autónoma de Galicia, reservarse con cargo á aplicación orzamentaria 07 03 541D 623.1 a cantidade de un millón setecentos corenta e oito mil douscentos sesenta e oito euros, con cincuenta céntimos 1.748.268,50 € coa seguinte distribución anual:*

- Anualidade 2016: 78.650,00 €*
- Anualidade 2017: 1.669.618,50 €*



Cuarto.- Modificar o punto 1 da cláusula VI do convenio, que queda redactado do seguinte xeito:

- 1. Poderán solicitar a adhesión ao presente convenio as entidades locais que dispoñan dun punto limpo de titularidade municipal ou supra – municipal construído pola Xunta de Galicia, sempre que, antes do 31 de decembro de 2016, estean en disposición de reunir as seguintes características:*

- a. Estean autorizadas para a xestión do punto limpo, ou en trámite de obter a pertinente autorización. No caso de que a entidade local optara por externalizar a xestión do punto limpo, a adxudicataria do servizo deberá contar coa pertinente autorización de xestión.*



XUNTA DE GALICIA



- b. *Estean adheridas ao Convenio Marco de colaboración entre a Consellería de Medio Ambiente, Territorio e Infraestruturas de Galicia e as Entidades Xestoras dos Sistemas Colectivos de Responsabilidade Ampliada do Produtor de Residuos de Aparatos Eléctricos e Electrónicos, vixente.*
- c. *Non ter sido obxecto de sanción firme en vía administrativa por deficiencias na xestión do punto limpo no último ano, e en caso de selo, ter subsanado as deficiencias a consecuencia das cales se lle impuxo a sanción.*

Quinto.- Abrir un novo prazo para a presentación de solicitudes de adhesión, dous (2) meses dende a sinatura da presente addenda.

En proba de conformidade, as partes asinan a presente Addenda no lugar e data sinalados no encabezamento, quedando un exemplar en poder de cada unha das partes.

Pola Xunta de Galicia

Pola FEGAMP

A conselleira de Medio Ambiente e
Ordenación do Territorio



Beatriz Mato Otero

O presidente da Federación Galega de
Municipios e Provincias



Alfredo Laudelino García Rodríguez